

Prome Minister Eman ta spera resultadonan concreto riba Conferencia di Reino

ORANJESTAD - E Conferencia di Reino tabata ayera na Aruba y a wordo presidi pa su anfitrión: prome minister Mike Eman.

„Nos por ta orguyoso. No solamente pasobra e conferencia ta tuma luga na Aruba, pero sigur tambe pasobra awe tur cuatro pais por tuma pasonan den e direccion cu Aruba ta indicando pa algun aña caba. Mi ta spera cu e pasonan ey por wordo tuma di berdad tambe”, Eman a bisa.

“E forma con e preparacionnan a bay, ta pone mi sinti positivo. Corsou, Hulanda y Aruba a trece activamente puntonan di agenda y a entrega notanan cu contenido encunto asuntunan cu hunto nos mester atende cu nan. Nan ta bay di intensiva e cooperacion economico, un miho garantia di derechonan di mucha te cu e retonan di paisnan chikito den un mundo globalisa. Temanan interesante y fascinante cu tin atencion di ciudadanonan den tur parti di Reino.”

“E enfoke, asina ta muestra, ta constructivo. Mi ta masha contento cu esey. Na Aruba pa hopi tempo nos tabatin e idea cu nos tabata planta den tera infertil cu nos suplica pa no mira Reino como un relacion huridico impone, pero como un partner strategico cu tin como meta fortalece otro. Despues cu Corsou y Sint Maarten a haya nan status aparte mi a pensa: nos por bay e direccion ey. Na December 2010, hopi lihe despues di 10.10.10, mi a in-

vita mi coleganan di Corsou y Sint Maarten pa nos discuti con intensiva e cooperacion cu otro y den Reino.”, Eman a splica.

Arikok

Esaki a conduci na firmamento di e protocol di Arikok, pero un continuacion lamentablemente pa Prome Minister di Aruba no tabatin. “Realmente mi a kere cu un strepi a wordo poni bou di e discusionnan complica encunto ‘consensusrijks wetten’ y cu nos por a sigui cu construccin. Pero Sint Maarten a indica cu e ta demasiado druk cu asuntunan di e pais. Tur atencion y energia a bay eyden y no tabatin tempo pa un disponibilidad activo riba nivel di Reino. Na Corsou tabatin un otro asunto cu tabata hunga un rol. Eynan a lanta un coriente politico cu no tabata mucho entusiasmo pa fortalece e lasonan cu Reino.”

Awor cu nos ta algun aña mas leu, e tempo ta muestra di ta bon pa e curso cu Aruba ta para pe. “Sint Maarten ta un poco mas leu den su desaroyo como pais y na Corsou e posicion pa loka ta cooperacion cu otro paisnan a cambia den forma positivo. Pa hopi tempo tabata parce cu Aruba tabata para su so, pero awor mi ta sinti cerca e otro nan nos si nos reunionnan ta bay menos riba aspectonan estatal y huridico y mas riba e partinan cu nos por traha hunto y



haci acuerdonan concreto cu ta mehora e bida di nos ciudadanonan.”

Eman ta pensa cu e relacionnan mutuo mientrastanto ta asina mehora cu discuti riba topiconan sensibel no lo daña e ambiente awe. “Nos ta bay papia primordialmente riba posibilidad win-win, pero indiscutiblemente lo tin delegacionnan cu lo trece asuntunan delicado dilanti. Nos tin asina tanto cosnan en comun cu mi ta spera cu e ambiente ta asina bon cu por papia riba puntonan di agenda provocativo riba un forma constructivo y bay den dialogo cu otro. Un bon relacion no ta nifica cu nunca bo no por ta den desacuerdo cu otro riba cierto puntonan. Mi ta sinti cerca tur partido un actitud positivo y di res-

pet pa e puntonan di salida di otro nan.” Eman ta bisa di ta orguyoso cu su vision pa loka ta futuro di Reino ta hayando reis.

Oposicion

“Minister Plasterk den un entrevista riba e conferencia di Reino a bisa: ‘nos ta pertenece na otro’. Esey ta un declaracion hopi importante, sigur si e ta bin di e minister di Relacionnan di Reino y mas ainda den un tempo na unda den cierto circulonan politico bo ta tende zoni-donan di oposicion. Cu tin un bom bou di e relacion cu Reino, ta exagera pa bisa, pero cu cierto politiconan na Den Haag tin pregunta riba e constelacion actual, mi ta haya un punto di preocupacion. Ta p’esey cu mi ta contento

cu Minister Plasterk a papia palabra cla riba e asunto aki. Nos a traha duro na Aruba pa un bon relacion cu Reino”. Un di e notanan cu Aruba ta entrega durante e Conferencia di Reino ta e cohesion riba nivel di Reino.

„Si nos kier sigui construi riba e balor agrega di Reino, anto sosten politico so no ta bastante.

Aunke si nos como cuatro gobierno ta di acuerdo cu tur cos, asina mes esey no ta suficiente. Ta p’esey cu Aruba ta bin cu e proposicion pa bin cu coherencia entre organizacionnan social, fundacion, asociacion, organizacionnan no gubernamental, negoshinan, pero tambe ciudadanonan individual y apoya nan pa busca cooperacion cu partnernan den otro paisnan. Si nos logra esey, e ta pone un fundeshi mucho mas fuerte bou Reino cu politica so por logra. Si nos por realisa e cohesion aki, nos como Reino por surpasa mucho mas miho bareranan politico.”

Declaracion final

Pa por percura pa partnernan di cooperacion haya otro mas facil, Aruba kier desaroya un programa special. „Esaki no mester keda como un idea bunita, pero mester haya contenido.”

Eman no kier duna un opinion riba e puntonan di agenda cu a wordo treci dilanti pa e paisnan. „Como president di e conferencia mi mester keda neutral.” E Conferencia di Reino a wordo habri cu discursionan di lidernan di delegacion: prome minister Sarah Wescot-Williams di Sint Maarten y Ivar Asjes di Corsou, ministernan Ronald Plasterk y Juan David Yrausquin. Despues ta sigui deliberacionnan tras di porta cera pa yega na e firmamento di e declaracion final. □